



108年教育部

閩客語文學獎

►用本土語言尋找文學的能源



閩南語 ▶ 短篇小說 ▶ 教師組

黃文俊 先生

得獎作品 /

光明燈



【得獎感言】

台文的寫作，就親像毛毛仔雨，沃久嘛會澹！

台文寫作是一條無好行的路，《光明燈》這篇小說會當得著評審委員的肯定，心內充滿飽渾的感謝，感謝主辦單位佢評審委員的辛苦，希望台文寫作的道路有愈來愈濟人做伙行，沓沓仔行出曠闊的道路！

光明燈

1

「giang-----giang-----giang-----」天妃殿管理委員會副主委的辦公桌仔頂面的電話，今仔日已經鉅欲幾若十擺，猶原無人欲去接。辦公室內底雖然缺少人咧無閒，毋過嘛有人閒仙仙煞無愛去接這個電話，因為逐家攞親像隱病--的落崎-知知咧！這個電話若會當莫接就盡量莫接，較袂沐甲規身軀臭臊羶啦！

自從昨昏暗電視新聞報導：臺灣南部名聲迴四界的天妃殿媽祖廟，管理委員會的副主委兼總幹事徐火旺涉嫌利用天妃殿上新的網路光明燈的業務，虛報大額的營業支出、閹減報營業收入，這四、五冬來已經侵佔天妃殿幾若千萬的公款，包括徐火旺本人、伊的特別助理嘛是個查某囡徐子瑄，閣有佢個業務往來的網路公司-宇宙電信的經理顏立信佢專案工程師羅仁貴，攞已經予地檢署的檢察官收押、禁見。

新聞煽出來了後，規个天妃殿的辦公室，就若親像予一片烏雲崁牢牢，每一個人攞免頂面的人交代，自動共家己的喙紕（thinn）甲峇峇峇，完全探袂著一屑仔消息！這擺已經毋是個天妃殿的高層頭一擺出代誌矣，眾人攞知影：個遮的人攞是靠媽祖婆的香火咧食穿的，天妃殿的媽祖婆有靈有聖，絕對會保庇個的頭人平安無代誌，若無，後擺就無油洗洗的日子通好過矣！

前一工下晡佇新聞報導進前，調查局佢警察局的人就已經來共徐火旺本人佢徐子瑄的辦公室文件佢電腦主機所有的檔案查封，紮轉去地檢署矣。照理講，徐火旺桌頂的電話也無查封，辦公室內底的人應該會當接才著，哪會電話鉅規工煞無半个願意去接咧？

有厚話的人咧講：這擺副主委歪哥幾若千萬的代誌，天妃殿正港的大頭家-西瓜大--的，施桂明主委竟然完全毋知影，這是伊上無法度接受的代誌，家己信任幾若十冬的細漢--的，竟然私底下共媽祖婆暗崁幾若千萬，閣無予伊知，真正是共天借膽！

施桂明少年的時捌做過迴迴人，彼時江湖上攞叫伊西瓜，後來踏入政壇了後，人攞佇尻川後叫伊「西瓜大--的」。雖然講西瓜大--的名義上是天妃殿的主委，毋過，伊家己做過地方的議長、這馬後生咧做立委、查某囡咧做市議員，地方上閣飼幾若个在地的議員佢農會總幹事，政治上的代誌就舞甲袂得煞矣，欲哪有精神佢時間去插廟裡遐的雜差仔工課咧？但是天妃殿逐年億來億去的香火錢佢信徒的捐獻，遐大塊的油臊，伊嘛毋甘放。所以，平常時大細項代誌伊攞放予副主委兼總幹事徐火旺去發落，因為伊綴西瓜大--的二、三十冬矣，一向對伊忠心耿耿，毋捌反背伊，是伊上信任的一隻狗。除非拄著像政治上佢

其他派系結盟、抑是媽祖婆全臺灣遶境出巡、佇電視媒體公開發表消息……等等的大代誌，西瓜大--的才會親身出馬，若無攏是徐火旺咧處理。

自從前一暝新聞煽空了後，西瓜大--的第一時間毋但無出來接受媒體訪問，表達伊對徐火旺的信任；新聞記者抑是伊較信任的親信敲手機仔予伊，嘛攏直接轉入去語音信箱，規工攏無消無息！這恰伊以往的作風有淡薄仔無仝，所以辦公室內底的人攏知影袂當烏白講話，上好就是徐火旺桌頂的電話莫接、任何生份人抑是記者敲來探聽消息，啥物都袂當講，才是上安全的做法！

佇天妃殿正殿龍引這頭的辦公室，有代誌咧無閒的是愈做愈無閒；抑若無代誌的咧，上無嘛愛假影真無閒！毋過，佇虎引彼頭的新聞記者休息室，就毋是這種情形矣。

2

論真講，全臺灣大大細細幾若干間宮廟，親像天妃殿仝款，專工替媒體記者攢一間新聞發佈兼記者休息室，就算毋是唯一，嘛無幾間綴會著陣！

上特別的，這間記者室毋是媽祖出巡抑是重要的節慶才有開放，伊是一年365工、規年迴天攏有人咧服務，只要你有各種媒體的記者證，逐工攏會當佇遮自由出入。遮有義大利全自動的咖啡機，隨時煮芳貢貢的咖啡予你淋；嘛有不管時攏沖甲燒燙燙的日月潭紅茶、阿里山烏龍茶通好鼻芳；閣有臺灣各地的特產、糖仔餅通好食，而且完全免費供應。莫怪有人咧笑講：這間休息室，自正月初一到年尾二九暝，逐工都人氣興旺，袂輸媽祖婆的正殿！當然，若拄著一寡小鄙臉的人，逐工攏來食免錢的欲按怎？服務人員攏笑笑仔應講：「擲頭三尺有神明，媽祖婆有靈有聖，而且咱天妃殿的一切攏是十方信徒誠心貢獻的，伊袂恰這種人計較的啦！」

自從昨暝新聞發佈以後，今仔日早起這間休息室雄雄加真濟平常時罕得看著的電視台記者，尤其一寡規模較大的電視台閣出動SNG衛星轉播車，共天妃殿頭前的商店街室甲實捅捅，連行路都感覺狹穢穢，實在真無利便！

從早起到下晡，一大陣記者佇遮等無廟方正式的聲明，這馬SNG衛星轉播車閣共廟前的街路室甲袂振袂動，廟前遐的店家嘛齊行跂到，入來休息室共廟裡的公關主任潘鳳嬌抗議，一陣人十喙九尻川，各人有各人的意見，吵甲連一向予記者呵佬是上有氣質的潘鳳嬌，聲頭嘛愈嚷愈大聲，落尾閣大聲嚷兼拍嘆仔，眾人才恬靜落來，聽看伊咧講啥？

「各位媒體記者女士、先生，因為一向咱天妃殿的代誌是徐副主委咧做主，這馬伊家已是事主，聽講嘛予檢方收押、禁見矣，我著先愛恰阮的主委施董事長聯絡著，才會當得

著伊的授權來發佈阮廟方正式的立場，請恁閣小等一下，好無？」

「各位鄉親序大，在場的記者朋友佢個的轉播車嘛是關心咱徐副主委的消息，才暫時窒著恁店門口的出入，影響著恁的生理，請恁閣小等一下，我隨拜託個徙車，好無？」

就算潘鳳嬌已經輕聲細說共眾人拜託，逐家全款你講你的、我吵我的，無人咧共伊信篤。

「恁這陣人是聽無人話hiooh？人潘主任已經共恁姑情甲按呢矣，閣無人欲插伊，是愛人大聲喝是無？」眾人聽著外口這個講話的氣口，隨知影是天妃殿的主委、人攞叫伊西瓜大--的的施桂明到位矣，原本吵甲厝尾頂強欲掀開的休息室，隨變甲恬寂寂，無人敢閣大聲講話。

「各位媒體記者女士、先生，咱天妃殿徐火旺副主委因為予地檢署控告侵佔本殿的光明燈業務公款，以刑法背信罪當咧偵辦當中，本殿倚佇尊重司法的立場，呼籲檢方趕緊釐清案情，予社會大眾佢咱眾多的信徒一个清楚的說明。另外，本殿管理委員會佢施桂明主委攞願意相信徐副主委的清白，希望佇案情查明了後會當交保，予伊有機會當替家己辯護。以上是本殿的正式聲明，佇遮無欲閣接受提問，感謝！」天妃殿的公關主任潘鳳嬌共西瓜大--的提予伊的新聞稿一字一字照唸唸煞，尤其是彼句「施桂明主委願意相信徐副主委的清白」，唸甲特別斟酌，聽著潘鳳嬌這種無啥全款的氣口，閣看著麗（thenn）佇膨椅的西瓜大--的面漚面臭，共記者室映甲狹穢穢的幾若十个記者，逐家你看我、我相你，竟然無半个敢擲手欲問問題？

「好啦！好啦！各位記者朋友，恁今仔日嘛佇遮舞規工矣，我有請咱廟裡的工作人員攢飯包予恁墊（tiām）一下腹肚，抑若無愛食鹹的嘛有西式的點心盒仔喔，今仔日就到遮結束矣，好無？」走天妃殿的新聞若有夠久的記者攞知，西瓜大--的講的「好無？」就是「好」，完全袂當伸勾！

3

正當一大陣記者沓沓仔離開，天妃殿的記者休息室漸漸恢復平靜了後，西瓜大--的隨吩咐公關主任潘鳳嬌敲幾若通電話予幾個管委會的重要幹部，其中有副總幹事游存忠、閣有財務主任陳春華、會計主任蔡宗信、採購主任王致一、出納林春梅，攞是佢廟裡的金錢、財務有關係的承辦人。潘鳳嬌電話那講那共對方提醒，袂當佢任何人講起繼落來欲開會的主題、開會的地點佢召集開會的人是啥？就算是太太抑是翁婿問起都袂當講！

潘鳳嬌隨个仔隨个敲完電話了後，趕緊行去龍片的辦公室欲提貴賓室的鎖匙，雖然已

經下晡五點外矣，日班的辦公人員煞攏無人敢下班，齊攏坐佇家己的辦公桌仔咧假無閒，若親像知影主委西瓜大--的來矣，逐家攏愛表現予大頭家看。潘鳳嬌看著眾人的表情，英雄感覺淡薄仔好笑，這若平常時，逐家下晡三、四點就準備欲下班矣，欲哪有可能等到五點外咧？

西瓜大--的雖然罕得來天妃殿的辦公室行踏，毋過伊嘛有安插幾若个親信佇辦公室內底，平常時啥物人佇遮舞啥物齣頭，伊攏總一清二楚。而且，伊既然共日常的事務交代予徐火旺咧扞，只要正常咧運作，伊根本免管遐幼，遮的細項的，伊根本看袂上目！這馬看著一大陣人佇辦公室挨挨陣陣咧假認真，心內顛倒感覺真刺疫（tshiah-iah），隨喝聲共眾人趕下班，除了輪著暗班的恰販賣部的人員，攏總扞轉去！

潘鳳嬌拄才敲電話通知的人沓沓仔到齊了後，西瓜大--的家己先提家己專用的鎖匙共辦公室後壁的主委辦公室的門拍開，招呼遐的已經到位的幹部先入去，先入去的人煞無揣位坐落來，顛倒綴西瓜大--的行去伊的董事長級的大辦公桌仔後壁，共冊櫥仔揀一下，竟然出現若像武俠小說所描寫的祕密機關，後壁出現一間會當坐二十人的大圓桌，閣有滿壁櫥的高級酒，有21年的Wishky、X.O的Brandy恰陳年的高粱酒，閣有濟濟捌袂了的紅酒，袂輸若外口的高級酒店的包廂，頭一擺看著這種情景的人不免會懷疑：這敢真正是媽祖廟主委的辦公室？

這幾個幹部若像對彼塊圓桌仔真熟手，隨个仔去揣家己應該坐的位，順其自然就坐落來，無人佇遐客氣推辭，因為個攏知影大頭家西瓜大--的上討厭文明社會彼種虛假應酬的文化，若準有人白目閣來搬這齣，百面會予伊警姦橋（tshoh-kàn-kiāu），橋甲無一塊好！

眾人坐定了後，佇主位西瓜大--的兩欸攏賭幾若个位無人坐，正當逐家咧嗤舞嗤吡（tshih-bú-tshih-tshū）的時陣，潘鳳嬌恁幾若个穿甲真整齊的中年人入來，看起來若像高級公務人員抑是司法人員的氣質。

「陳律師、黃律師、傅董--的、廖總--的，來來來歡迎恁逐家大駕光臨，我遮自從裝潢好勢了後，共恁邀請足濟擺，恁攏遐客氣共我推辭，這擺總算予我面子，無閣拒絕我矣乎？」西瓜大--的平常時講話雖然土公仔性，毋過若拄著要緊的代誌，伊的心思是比啥物人閣較幼路。

「施董--的，你傷客氣矣啦，我恰黃律師以前佇地檢署服務，民間的朋友相招食飯、淋酒，實在嘛無蓋方便，恐驚予人誤會，若毋是前幾年仔自願退休轉任律師，阮這擺嘛毋敢來呢！」應話的陳律師若像是個這陣人的恁頭的，果然是檢察官轉任的人，猶閣保留司法人員彼種謹慎的作風。

「是啦！施董--的，我佢廖總--的雖然和你嘛熟似幾若冬矣，但是若毋是陳律師牽線，阮兩個今仔日嘛有真濟顧慮，絕對毋敢來呢！」聽西瓜大--的紹介，「傳董--的」佢「廖總--的」照稱呼應該是生理人，毋過講話的氣口煞比檢察官轉任的陳律師較保守，袂輸若調查局抑是看守所的主管咧！

經過一輪相借問兼敬酒的過程，眾人總算了解西瓜大--的臨時召集這個會議的目的矣。當時仔是選舉咧欲到矣，西瓜大--的懷疑是執政黨刁工欲借徐火旺歪哥光明燈公款的案，趁機會共天妃殿這個對手政黨的大金窟挖掉，順繼共西瓜大--的個彼家伙仔的政治勢力規个薙薙掉。

所以，西瓜大--的揣兩位檢察官出身的律師來了解欲按怎應付後壁的程序？閣揣上了解看守所運作的「傳董--的」佢「廖總--的」，拜託個揣人入去「內底」共徐火旺傳話，看閣有啥物代誌猶未焗空的？敢猶有其他的「數目(siau-bák)」猶未共西瓜大--的報告？通好事先準備欲按怎應付。

包廂內底所有的人佢西瓜大--的攏是利益的共同體，西瓜大--的毋驚任何人會共個討論的內容洩漏出去。這一、二十年來天妃殿香火愈來愈旺，個逐个綴西瓜大--的食甲肥胸胸(puî-tsut-tsut)，除了媽祖婆以外，個上愛感謝的就是伊佢徐火旺，眾人的關係已經親像食塗食甲真深的榕仔樹根，已經分袂清啥物是塗？啥物是樹根矣？

4

臺灣有一句俗語咧講：「法律千萬條，毋值得黃金一條！」西瓜大--的便若想起幾若冬前伊做議長的時，為著一件用議長的公關費虛報金額、提去酒店淋粉味--的的案件，煞予執政黨掠著機會共伊搜(tsang)去判一年八個月，伊對這句話就有足深的感受。

彼當時，法官嘛是以個有串供、滅證的可能，共伊佢副議長、議會祕書長兩個共犯裁定收押、禁見。想袂到，伊的死忠兼細漢--的-徐火旺竟然有才調透過關係，揣彼當時的看守所主管-「傳董--的」替伊佇「內底」案內(àn-nāi)甲誠好勢，予個三个佇「內底」過甲足快活！嘛因為這件代誌，西瓜大--的佢「傳董--的」以及伊的徒弟仔「廖總--的」開始往來，嘛予伊愈來愈相信：「錢毋是萬能，但是無錢是萬萬不能！」伊甚至認為：世間上若準有錢買袂著的？彼一定是錢開了無夠濟！

自從幾若工前，佇天妃殿的祕密包廂拜託「傳董--的」佢「廖總--的」，替伊入去「內底」共徐火旺探消息了後，西瓜大--的掠準足緊就會有消息轉來。無疑悟，已經過欲成禮拜矣，煞連一屑仔雞仔毛的消息都無，這予佇江湖走跳幾若十冬的西瓜大--的嘛感覺不安：敢會有啥物料想袂著的狀況？

西瓜大--的挂咧想這件代誌，隨就接著「廖總--的」敲手機仔予伊，共伊轉達徐火旺佇「內底」的情形，嘛真有技巧予徐火旺知影西瓜大--的交代伊袂當烏白講話的暗號。

原來「傳董--的」恰「廖總--的」攞是「內底」的主管，個必須愛輪流佇「內底」留守，而且個閣特別細膩，絕對袂透過無信任的人傳話，一定愛有把握的時才會去做西瓜大--的拜託的代誌，按呢才袂脫箠（thut-tshuê）。

徐火旺個這陣人自從收押、禁見了後無偌久，有關光明燈的公款流去佗位？入啥物人的口座？恰宇宙電信的承辦人按怎鬥空？合作的細節是按怎？個查某团徐子瑄的角色是啥？其他的共犯恰伊攞對檢察官交代甲一清二楚，所以檢察官真緊就予其他的人交保矣。

獨獨便若問著徐火旺有關天妃殿各種重要的資產，包括土地、定期存款、金條、金牌……等等幾若十億的情形，伊攞講無清楚。就按呢，檢察官就以伊對廟裡的財務交代不清做理由，拒絕伊交保的申請。

其實，徐火旺家已是「隱痾--的落崎」-知知咧，擔任天妃殿的副主委兼總幹事遐濟冬，主委西瓜大--的平常時無咧插代誌，真濟代誌攞伊咧處理，哪有可能無了解咧？問題是，伊若真正共天妃殿的資產恰金流交代清楚，恐驚檢察官若真正予伊交保，伊出去外口嘛無好日子通好過，規氣共喙紾起來較安全！

遮濟年來，西瓜大--的表面上攞共廟務交代予徐火旺咧扞，實際上伊透過財務主任陳春華、會計主任蔡宗信、採購主任王致一、出納林春梅遮的親信，共天妃殿的數目（siàu-bák）做甲真嬌。毋過，天妃殿遐爾濟資產透過各種複雜的交易，以投資虧損的形式沓沓仔溶（iûnn）去，足濟錢勻勻仔搬去無仝人的口座內底，這一切徐火旺攞看在眼內，這嘛是伊恰西瓜大--的兩人之間毋捌講破的祕密，更加是伊會當佇天妃殿坐穩這個萬年的副主委兼總幹事的原因。

徐火旺便若想著幾若冬前，西瓜大--的開幾若十萬的議長公關費去酒店淋粉味--的，煞予檢察官用貪污罪共伊起訴的時，伊用心計較咧替伊走從，閣行後尾門揣著「傳董--的」恰「廖總--的」這條線，共伊佇「內底」的日子安搭甲好勢好勢，就算無功勞嘛有苦勞！想袂到，西瓜大--的雖然判一年八個月，煞佇「內底」坐無十個月就假釋出來，伊無隨共天妃殿代理主委的位還予西瓜大--的爾，過無三個月就發生予人綁票的代誌，到這馬想起來，伊的領頸袂輪閣有當初彼條麻索仔共伊纏（hân）甲強欲袂喘氣、關佇狗籠仔內的感覺，伊不時閣會伸手去掌，彼種驚惶，毋捌予人綁票的人是袂當了解的！

當初，西瓜大--的雄雄予檢察官收押，天妃殿閣拄著管理委員會改選的時陣，因為猶未判刑確定，西瓜大--的全款拍敗執政黨支持的人選當選主委，徐火旺代表西瓜大--的這

引的勢力出來代理主委的職務。因為做人較客氣，嘛無西瓜大--的彼種江湖味佢壓霸的感覺，對政治嘛較無咧插，所以佇徐火旺代理主委的期間，媒體佢社會上對伊的風評攏是較正面的。徐火旺原本只是代理的心態爾爾，漸漸仔因為眾人對伊的肯定愈來愈濟，煞予伊袂記得西瓜大--的毋但是天妃殿主委，而且嘛是烏道出身的事實。

徐火旺猶會記得西瓜大--的假釋出來彼工，伊專工煮天妃殿管委會的重要幹部佢一寡媒體記者，一行幾若十名去迎接伊，閣刁工攢豬跤麵線欲予伊過運，伊感覺家己已經做甲遮爾有情有義矣，哪會半中途出現一个白目的的記者，青磅白磅問伊代理天妃殿主委欲做到當時？伊干焦應講：「施董--的拄出來，可能需要歇睏一站仔？」毋才小可仔頓蹬一下爾爾，隔轉工就予報紙寫講：『天妃殿代理主委徐火旺 不排除繼續代理的可能性』。伊看著報紙的標頭就知影代誌大條矣，西瓜大--的雖然看起來是粗線條的人，毋過上注重下跤手人對伊的忠心，若準伊對部下的忠心有淡薄仔懷疑，出手的手段是絕對無咧客氣的！

果然，西瓜大--的假釋出來都無三個月咧，徐火旺就予刑事警察局發佈的十大通緝要犯排第三名的「戇虎」-蔡曉明綁票，而且要求三億的贖金，這個消息傳出來，真濟臺灣人才去注意著天妃殿副主委徐火旺這個人，以前干焦知影伊是西瓜大--的邊仔彼个細漢--的，透過這擺的綁票，社會大眾才知影：原來天妃殿的副主委就遮爾好額喔？財產是億來億去的？若無，「戇虎」哪會知影欲去共伊綁票？而且一開喙就是「三億」，這種一般人連想都毋敢想的數字！

根據新聞報導，當初「戇虎」彼陣人，趁徐火旺去巡視家己咧經營的食品工廠了後，欲轉去厝裡的半路，製造假車禍共伊的BMW X5休旅車開落來，兩、三下手就共伊的司機兼保鏢阿德仔控制，然後就共徐火旺掠走矣。欲離開進前，個閣共阿德仔唱聲：「兄弟仔咧走路，求財而已！袂當報案，等待通知！」

5

徐火旺予人綁票彼暝，厝裡的人真緊就接著「戇虎」的電話，而且一開喙就是「三億」這種天文數字。論真講，徐火旺厝裡的事業除了食品工廠以外，閣有塑膠工廠佢幾塊土地，若做伙處理掉當然毋但價值三億，但是臨時臨曜欲換現金，實在嘛毋是簡單的代誌。這一、二十冬徐火旺傍天妃殿的媽祖婆保庇，事業愈做愈大。伊的牽手火旺嫂仔嘛有咧鬥扞事業，對社會事嘛有淡薄仔了解。就按呢，贖金的價數就袂輸換大索仝款，雙方換來換去，換到變成一億就擋恬矣，「戇虎」袂聽閣再降價，伊放刁講：「若無佇五工內從一億來共徐董--的贖轉去，就準備等咧辦伊的後事！」

火旺嫂仔真無簡單將贖金對三億削價削到一億，但是短時間欲從到一億，莫講五工，

恐驚三個月都誠拚咧！有步想到無步，伊干焦想著「戇虎」交代講袂當報案，煞袂記得這個時陣，有人可能比警察較有路用，彼就是天妃殿的主委施桂明董事長，西瓜大--的。

趕緊佇電話內底共西瓜大--的說明個翁婿予「戇虎」綁票佢創價的過程了後，火旺嫂仔若像海裡強欲予水淹死的人，看著浮佇海面的柴籬，下性命拚勢洵，趕緊欲去捎著彼塊救命的希望！

西瓜大--的干焦聽伊佇電話內說明，煞袂輸對規个頭來尾去攞已經真了解矣！伊答應火旺嫂仔欲出馬替伊佢「戇虎」彼引撫看覓，看有機會閣共贖金閣創較低無？火旺嫂仔聽伊按呢講，若像海裡彼个人已經摸著柴籬全款，就算西瓜大--的看袂著，猶原感謝甲一直佇電話這頭咧共西瓜大--的頓頭說多謝！

「這嘛莫怪！施董--的從少年就有咧插江湖事，無定是我想傷濟矣！」火旺嫂仔為著欲趕緊共翁婿救轉來，心內的懷疑攞會使暫時圓一邊，所以伊那想那共家己自我安慰！

講嘛奇怪，自從西瓜大--的接手佢「戇虎」彼引撫價數了後，隔轉工一寡佢西瓜大--的較熟的媒體就開始報導徐火旺的綁票案，而且閣報甲誠詳細；刑事警察局的專案小組嘛接著報案，派人到徐火旺個兜，猶閣發佈新聞講：「警方已經掌握歹徒可能藏身的所在，應該真緊就會當破案，只是考慮著人質的安全，袂當直接行動……。」

當當社會上愈來愈濟人質疑講：為啥物人質猶未救著，警方就咧發佈新聞？為啥物媒體會當共綁票案的細節報甲遐爾詳細，敢毋驚「戇虎」掠狂共人質創掉？面對社會上遐濟疑問，徐火旺個厝內的人煞若像對人間消失去，只睹天妃殿的主委西瓜大--的咧替徐家的人回應媒體的疑問。

就佇西瓜大--的對媒體說明規个過程的時，警方嘛同齊宣佈破案：「戇虎」這陣歹徒原本欲要求三億的贖金，家屬雖然創價到一億，煞因為臨時從袂著遐濟現金，閣再因為消息洩漏、媒體報導、警方派人咧追查，致使「戇虎」個無提著贖款就共徐火旺釋放，警方嘛有掠著「戇虎」的兩個細漢--的，針對猶咧走路的「戇虎」，警方會繼續追查……。

徐火旺予「戇虎」綁票的案件，尾仔變成天妃殿附近幾若十个庄頭予人傳說足久的笑談。歹徒共伊掠去關佇狗籠仔內幾若工，煞因為消息洩漏、媒體報導、警方派人咧追查，就共人放轉來？歹徒開喙欲愛三億，家屬創甲睹一億，卻無提著半仙錢就走去覘起來？天妃殿代理主委予人綁票，前主委出面替個厝內的人佢歹徒撫價數？遐爾濟無合理的問題，正常人一定會有的疑問，煞無人閣敢提起，徐火旺佢個厝內的人嘛全款！

綁票的代誌平靜落來以後，徐火旺真識時務就共代理主委辭掉，原本的主委西瓜大--

的嘛出來一段時間矣，共主委的位還予伊嘛是當該然的代誌！

6

自從幾若冬前予「戇虎」綁票的代誌了後，徐火旺常在揣機會欲共西瓜大--的辭掉天妃殿副主委兼總幹事的職務，毋過無論伊揣啥物理由，西瓜大--的攏毋答應。有時陣若徐火旺較堅持咧，西瓜大--的閣會搬出媽祖婆出來共伊姑情，若無就提出江湖兄弟彼套來逼伊，終其尾攏毋捌成功。

其實，徐火旺家己定定咧想：當初西瓜大--的出獄彼工，伊恁一大陣幹部佻記者去迎接伊，彼个白目記者問伊代理主委的問題，伊無佇第一時間表示辭意，就已經註定後來代誌的發展矣！所以，本底攏佇臺灣北部出入的「戇虎」，煞走來臺灣南部共伊縛去恐嚇討錢，若無相當的地緣關係，哪有遐簡單？猶閣有，個牽手去共西瓜大--的拜託隔轉工，媒體就知影消息、警察就接著報案，哪有遐拄好？西瓜大--的嘛若像一切攏準備好勢仝款，佇媒體面前展現伊重情重義的作風，閣為著兄弟的安全佻亡命之徒「戇虎」刳價數、喝pha-lá-kián，這其實嘛是咧共伊本人暗示講：愛知影啥人才是天妃殿的老大的，毋通食無三把薤菜就欲上西天！

所以，這四、五冬來徐火旺雖然仝款掛名副主委兼總幹事，作風卻愈來愈覷鬚（bih-tshiu），會當予各部門主管做主的，伊絕對授權予個去發落，尤其是遐的西瓜大--的安插的跤手，親像公關主任潘鳳嬌、財務主任陳春華、會計主任蔡宗信、採購主任王致一、出納林春梅，伊攏會特別客氣，這是伊予「戇虎」關佇狗籠仔了後，上大的人生體會！

當初警方宣佈破案的時，宣稱「戇虎」無提著半仙錢就落跑，其實是無影無跡的代誌。彼當時，自從西瓜大--的接替個牽手佻「戇虎」撫價數了後，彼暗就撫好勢矣，先付三千五百萬現金、等徐火旺平安轉來，閣付一千萬，交付贖金的跤手予西瓜大--的安排有江湖經驗的幹部去處理。所以，徐火旺這个人生體會愛閣加四千五百萬才買會著！

當初西瓜大--的有共徐火旺提醒講袂當予外界知影「戇虎」彼陣人有提著贖金，若無消息傳出去，會有愈來愈濟歹徒欲對伊動手。而且，伊嘛知影「戇虎」彼陣人是愛錢毋驚死的，若予警方逐傷經，無的確會閣上門來揣伊，彼就無了時矣！所以，四、五冬來，外口佻新聞媒體攏咧風聲講伊付出佰濟贖金？伊攏完全否認，為著厝內一家大細的安全，較按怎都袂當承認！

這幾冬伊查查仔共天妃殿的工課授權各部門主管處理了後，嘛開始共厝內的事業勻勻仔交予下一代接手，兩個後生，大漢--的接食品工廠、細漢--的接塑膠工廠，幾若塊土地雖然猶閣留佇個翁仔某的名下，嘛有先分一塊建地予伊唯一的查某团-徐子瑄。看起來，

當初予「戇虎」綁票的代誌，有影予徐火旺對未來的人生產生足大的改變。進前，伊總是感覺人生久久長長，寬寬仔是就好，毋免趕！佇彼件代誌了後，伊定定講：人生無常，無常比明仔載較緊到！

講起來嘛真矛盾！既然知影人生無常，嘛知影西瓜大--的對伊並毋是完全信任，為啥物閣會去舞彼个網路光明燈的業務？甚至閣共這個業務趁的錢，用五鬼搬運法轉入去家己的口座？敢毋驚代誌若焮空，毋但愛予人掠去關，閣有可能予西瓜大--的派人共伊掠去關狗籠仔？唯一的理由可能就是咱一般人攏有的想法：袂啦！我敢會遐衰？

7

「主委！歹勢啦，我予人收押遐爾久都咧見笑代矣，哪通閣予你親身來接我？」這件網路光明燈背信案予檢察官收押上久、嘛是上尾交保的徐火旺，拄才恰陳律師完成交保的手續，行出看守所的門口，就看著天妃殿的主委西瓜大--的恰幾若个廟裡的幹部、地方人士，恰個厝內的人，伊隨行去向西瓜大--的會失禮，袂輸做毋著代誌的囡仔咧共序大認錯全款。

「三八兄弟！講彼啥物話？咱兩個是二、三十年的兄弟呢！當初我予人殼（khók）入去關的時，你佇外口按怎替我走從的？我到今猶足感心呢！」西瓜大--的看著徐火旺就共伊換來攬咧，閣連繼共尻脊駢搭幾若下，看起來比親兄弟仔閣較親呢！

看著這個情形，天妃殿的幹部恰地方士紳眾人嘛綴西瓜大--的全款，隨个仔來恰徐火旺握手，若無就是共伊攬一下，予伊感受著自收押到今這三個月毋捌有的溫暖，嘛予伊足有面子的。顛倒是恰伊上親的火旺嫂仔恰個厝內的囡兒序細煞袂輸生份人咧，愣愣倚佇邊仔，毋知欲做啥？

「好好好，遮毋是啥物好所在，咱先轉去天妃殿共媽祖婆報告咱副主委轉來矣，先過一下仔運，有啥物話才閣講，好無？」西瓜大--的看徐火旺個厝裡的人佇遐礙虐、礙虐，規氣共逐家招轉去天妃殿，繼落來伊欲問徐火旺的代誌才好處理。

迎接徐火旺交保的眾人恰個厝裡的人，總共十幾台車都猶未到天妃殿的門口，廟前的炮仔聲就pín-pín-piāng-piāng響袂停。公關主任潘鳳嬌恰一寡記者嘛已經佇廟埕頭前咧等候，看起來西瓜大--的是刁故意欲予社會恰媒體營造一種毋管外口按怎咧風聲伊恰徐火旺的關係，伊猶原對待徐火旺若兄弟仔、全款有情有義的形象。當然，徐火旺綴佇西瓜大--的身軀邊二、三十年矣，哪會毋知個老大--的心內咧想啥咧？

轉到天妃殿了後，人稱「西瓜大--的」的施桂明主委招呼眾人恰徐火旺的家屬陪伊同

齊向媽祖婆敬香，感謝媽祖婆的保佑，了後閣擇（phâng）一碗豬跤麵線，佇眾多媒體的鏡頭頭前，表演食豬跤麵線的戲齣。繼咧，西瓜大--的閣對媒體展開軟性的訴求，內容當然是咧講：伊佗徐火旺兩人遮濟冬來奉祀媽祖婆，毋敢有任何私心，更加袂去歪哥媽祖婆任何一仙錢。實在遐挂好，四、五冬前欲選舉進前，因為伊毋肯支持執政黨的總統候選人，執政黨就利用司法做工具，硬共伊陷害一个貪污的罪名；這擺欲閣選舉矣，歛無伊的空，就用個天妃殿上新的業務網路光明燈做祭品，掠伊上信任的徐火旺副主委佗伊的查某团開刀，目的就是欲逼伊佗執政黨合作.....。

西瓜大--的講甲喙角全泡，在場的眾人全款聽甲耳仔覆覆。上好笑的是臺灣實施民主政治遮濟冬矣，便若有一寡政治人物牽涉著司法案件，只要恁支持的民眾去廟前咒誓，抑是共伊賴予執政黨的抹烏，不管選民會相信無？到今總是永遠演袂煞的戲齣。

聽西瓜大--的公開表演結束，一寡靠西瓜大--的咧食穿的死忠--的社區民眾才心滿意足沓沓仔散場，天妃殿管委會的幹部就隨人去做家己的工課、記者嘛趕咧欲去發新聞稿；徐火旺嘛交代個厝內的人先轉去歇睏，有啥物話等較暗咧才轉去講；廟埕前只賭幾個四散的民眾佇遐賴賴趟。

看群眾漸漸散去，西瓜大--的就共徐火旺使一下目尾，共伊佗陳律師叫入去主委辦公室內底彼間神秘的包廂。

8

「火旺仔，咱遮干焦陳律師佗你、我三个人，陳律師替咱處理遐濟案件，嘛無算外人啦，今仔日就共講予白啦，一寡代誌緊處理理咧，你看按怎？」西瓜大--的無等徐火旺佗陳律師坐落來就講出伊的目的，應該是佇心內攞拍算好勢矣。

「董事長，這擺是我大主大意無佗你參詳就舞這齣，才會害你咧替我拭尻川，實在真歹勢！請董事長有啥物需要我配合的，我做會到的攞盡力而為！毋過，阮查某团子瑄猶閣少年，想欲拜託董事長佗陳律師，看有法度共伊對這個爛糊糜仔內底摸出來無？」下晡佇看守所門口就下定決心欲共規个案擔起來的徐火旺，趁機會咧替個查某团共西瓜大--的求情。

「徐副主委你放心，恁千金佇这个案的角色真單純，純粹就是固遐--的錢的人頭戶，所以檢察官予伊佇第一時間就交保矣。這馬施董事長較煩惱的顛倒是驚檢察官用光明燈这个案做餌（jī），欲共咱天妃殿的金流規个斷掉，彼才是大代誌！」陳律師若像西瓜大--的腹肚內的蛔蟲，共伊想欲講的話攞總講出來，西瓜大--的顛倒佇遐食薰，敢若佗伊無底代咧。



「火旺仔，你放心啦，我佢陳律師研究過矣，子瑄佇這案牽涉無深，極加到時判一年抑是八個月，抑若一審的時態度較配合咧，無定判愈輕？重點是這馬檢察官搜去的數簿，有一寡是我遮咧處理的，若準到時欲閣對付我，彼就費氣囉！」西瓜大--的總算對徐火旺講出伊的掛慮佢目的矣。

「董事長，這無問題，到時若真正牽連著遮的數，我攞共擔落來，只要董事長佢陳律師盡量共子瑄的責任辦（pué）予離，我一定總共攬落來。毋過，嘛愛拜託董事長佢陳律師，共咱內底彼幾個較會信任得的幹部，先共台詞餉予熟，才袂掠包！橫直，數簿頂面攞有我的印仔，董事長的部份足濟攞是『代為決行』，這應該真好處理！」為著欲保護家己的查某团，徐火旺已經心肝掠坦橫矣。

「哈哈！火旺仔，你放心啦，子瑄嘛若我的查某团全款，我佢陳律師會盡力保伊，啊你的付出我嘛袂予你白白犧牲，就算光明燈彼條三、四千萬的予檢察官咬去，我私人嘛會補予你，另外閣再加三千萬予你，算是替我擔責任的回報啦，然後我會閣予子瑄六百萬，算是我這個阿伯先予伊後擺欲嫁的添妝，你看敢好？」聽著徐火旺願意共天妃殿所有無清無楚的數攞吞落去，西瓜大--的嘛真大出手，答應予伊袂少金錢的補償。

普通人看這個範勢嘛知影：為啥物遮濟年來，天妃殿主委這個位，一直有真濟人咧流喙瀾？

佇秘密包廂共相關的細節討論好勢了後，西瓜大--的派人駛伊彼台Benz的S600的轎車載徐火旺轉去佢厝裡的人團圓，車駛到個兜的巷仔口頭前500公尺，徐火旺就叫司機停落來予伊落車。伊想欲那行那想一个講法，安搭個牽手佢厝內的人，為啥物伊欲共所有的責任擔落來？

徐火旺寬寬仔行轉去，那行那看著個兜門前的彼葩電火，雄雄有淡薄仔生份的感覺，才三個月無看著爾爾，個兜厝門前的電火哪會無光無焱，比天妃殿樓尾頂的光明燈閣較暗淡咧？